

Na osnovu člana 16. stav 1. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 19. stav (6) i članom 20. Zakona o pravima demobiliziranih branilaca i članova njihovih porodica („Službene novine Federacije Bosne i Hercegovine“, broj: 54/19, 29/22 i 81/23), na prijedlog Ministarstva za boračka pitanja, Vlada Zeničko-dobojskog kantona, na 15. sjednici, održanoj dana 02.02.2024. godine, d o n o s i

UREDBU

O IZMJENAMA I DOPUNAMA UREDBE O NOVČANOJ EGZISTENCIJALNOJ NAKNADI ZA DEMOBILIZIRANE BRANIOCE

Član 1.

(Izmjene člana 2.)

(1) U Uredbi o novčanoj egzistencijalnoj naknadi za demobilizirane branioce („Službene novine Zeničko-dobojskog kantona“, broj: 6/20, 15/21 i 18/22, u daljem tekstu: Uredba) član 2. stav (1) tačka e) mijenja se i glasi:

„e) ostvaruje mjesečne prihode koji ne prelaze iznos prosječne neto plaće isplaćene u Kantonu za 2022. godinu“.

(2) Stav (2) mijenja se i glasi:

„(2) Prihodom u smislu odredbe stava (1) tačka e) ovog člana ne smatraju se novčane naknade po osnovu prava lica sa invaliditetom, dodatak na djecu, alimentacije i jednokratne pomoći.“,

(3) U stavu (4) riječi „perioda utvrđenog stavom (1) tačka c) ovog člana“ zamjenjuju se riječima „24 mjeseca“.

Član 2.

(Izmjena člana 4.)

U članu 4. stav (1) riječi „5 KM“ zamjenjuju se riječima „6,00 KM“.

Član 3.

(Izmjene člana 8.)

(1) U članu 8. stav (1) tačka d) briše se.

(2) U tački e) riječi „koji nema drugih članova domaćinstva“ zamjenjuju se riječima „čiji mjesečni prihodi prelaze iznos prosječne neto plaće isplaćene u Kantonu za 2022. godinu i čiji supružnik ima status demobiliziranog branioaca iz člana 2. stav (1) tačka c) Uredbe.

(3) Tačka f) mijenja se i glasi:

„f) uvjerenje o prihodima podnosioca zahtjeva“,

(4) Dosadašnje tačke e), f) i g) postaju tačke d), e) i f).

Član 4.

(Izmjene člana 15.)

U članu 15. stav (1) tačka f) riječi „u zajedničkom domaćinstvu“ brišu se, a riječi „2019. godinu“ zamjenjuju se riječima „2022. godinu“.

Član 5.

(Primjena odredbi)

Svi započeti postupci koji nisu pravosnažno okončani završit će se po odredbama ove

uredbe ili po odredbama propisa koji je bio na snazi u vrijeme podnošenja zahtjeva ako je to povoljnije za stranku.

Član 6.

(Stupanje na snagu i objavljivanje Uredbe)

Ova uredba stupa na snagu prvi naredni dan od dana objavljivanja u „Službenim novinama Zeničko-dobojskog kantona“.

PREMIJER

Nezir Pivić

Broj: 02-02-2245/24

Datum, 02.02.2024. godine

Z e n i c a

DOSTAVLJENO:

1x Ministarstvo za boračka pitanja,

1x „Službene novine Zeničko-dobojskog kantona“,

1x a/a.